



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Disputatio II. De Matrimonio secundum se.

[urn:nbn:de:hbz:466:1-72963](#)

*An occulto
defectus la-
borans pos-
sit sibi omni-
nus contra-
here Spon-
salia, & ad
implationem
urgere com-
pariem ig-
naram.*

nihilominus possit cum illius ignaro sponsalia contrahere , eumque cogere , ut contracta impletat? Resp. Neg. quando defectus ille foret parti perniciosus, v. g. lepra &c. quia hoc esset innocentia causare notabilem perniciem. Unde sicut volenti edificare domum non licet vendere ligna occulte cariosa, nisi vitium aperiatur, sic nec licet contrahere sponsalia , multò minus ad ea implenda cogere , nisi vitium notabiliter perniciosum aperiatur. Similiter ex charitate saltem si non licet , quando gravia incommoda sequentur ex eo , quod defectus postea detegendus credatur. Alias non tenetur quis volenti secum contrahere aperire suos defectus, et reddant nuptias notabiliter minus expetibiles , v. g. quod sit vi vel sponte corrupta, deformis, pauper, ignobilis , cum tamen putetur virgo, pulchra, dives, nobilis. Ita Coninck d. 23. dub. 12. & alii plures : quia non tenetur se ipsam infamare aut defectus suos propalare, quamdiu aliis non nocent : neque tacens decipit alium, sed hic decipitur a se ipso in re, quam ipsi incumbit diligenter investigare: neque debet ab altera parte discere defectus illius; ita enim in ipso humano commercio positum est , ut quisque in hoc contractu notiam de qualitatibus alterius capiat. Quod si etiam defectus sint tales , qui moraliter deprehendi nequeunt , eò minus quis est cogendus suas maculas exponere , neque

etiam ut circa à matrimonio abstineret, si defensanda fuerit sponsata. Unde nec Confessarii id celares culpa damnant. Si tamen dolo inducat partem ad contrahendum, fit ergo se nobislem, disitem &c. facit alii injuriam , & graviter delinquit. Quāvis non censeatur fraus cuius generis, si puella deflorata concubus industria hunc defectum occultare. Immo etiā expressè dicat se esse virginem , excusat eam. Doctores à mortali : quia neque hoc factū ad tuendam famam samam. Et consequētē si rogata utatur aequatione, excusari posset ab omni peccato. Talis fama prudenter adlaborabit ad defectum illum occultandum in congressu : ne conjux istum deprehendens eam, odio habendi & male tractandi occasiōne sumat.

Sed an post Sponsalia contracta possit pars defectus ignorare cogi ad matrimonium contrahendum, supposito quod non sit dolo inducta, difficultatem habet. Varii existimant quod non, praeferim quando est defectus , qui redderet nuptias valde incommodes innocentem ; ut est paupertas, ignobilitas &c. Tamen magis consequētē Coninck supra & plures alii putant posse : ed quod per sponsalia valida sit acquisitum jus ad matrimonium , quo per talen defectum non privatur alter, quoque pars facta defectus conscientia tale jus elidat.

DISPUTATIO SECUNDA:

De Matrimonio secundum se.

QUESTIO I.

*Quid sit Matrimonium, Quando
institutum, Et an licitum aut
debitum?*

*I.
Matrimo-
nium, Nup-
tie, unde
fidei.*

*In matri-
monio spe-
ciale, or pri-
mo contra-
ctus,*

MATRIMONIUM sic vocatum à fine, qui est ut femina efficiatur mater filiorum; dicitur etiam Cōjugium, eò quod vir & mulier communī jugo subdantur: item Connubium & Nuptiæ, eò quod mulier viro tradita soleret velo quodam obnubi, & quasi nube tegi.

In Matrimonio porrò tria considerantur. Primo ipsa Matrimonii contractio sive contractus matrimonialis ; qui à Scoto d. 26. num. 17. definitur : *Maris & feminæ mutua translatio corporum suorum pro usu perpetuo ad procreandam prolem debitè educandam.* Secundò status permanens , vinculumque stabile ex contractu resultans, quod Scoto supra descriptum : *Vinculum indissoluble inter marem & feminam ex mutua translatione potestatis corporum suorum in se invicem facta ad procreandam prolem*

debitè educandam. Quod quidem vineulum sit mera denominatio extrinsica ex praeterito contractu defuncta , vñ cuius contrahentes verè manent inter se colligati cum quadam dominio & subjectione. Super flue autem & infundat statueretur hoc vineulum in aliquo alio superaddito.

Tertiò spectanda est copula subsequens: ad quam vi Matrimonii datur petendi potestas , & reddendi obligatio. Quae tamen potest juxta infra dicenda per pactum excludi: & multò magis ipsa actualis copula potest separari à Matrimonio, et ipsa ita siuid numquam sequatur. Ab hac vero dicitur Matrimonium consummatum; ut ante copulam dicitur solum ratum. His accedit pro tempore Legis novæ quarta consideratio. Matrimonii, quatenus sicut est (ut postea dicitur) est Sacramentum. Quae tamen ratio est accessoriā ipsi contractui matrimoniali , quem Christus elevavit ad dignitatem Sacramenti. Neque enim (ut constat) ipsum vinculum matrimoniale est Sacramentum conferens gratiam , ut nec signum sensibile , nec conjuges sacrificans suo

Qu. I. Quid sit, Quando institut. & an licitum aut debitum. 535

suo usu. Dum autem Patres subinde illud vocant Sacramentum, sumunt Sacramentum largè pro quovis signo rei sacræ à Deo Instituti; quo modo vinculum illud est signum conjunctionis Christi cum Ecclesia. Unde Patres matrimonium etiam in lege natura volunt simili modo Sacramentum. Immo idem nomen matrimonii Gentilium tribuitur c. Gaudemus, de divorciis. Idipsum certum est contra Gratianum post can-

muniter Theologi, institutum esse à Deo in initio mundi, idque juxta D. Thomam Syl-
l. quando in-
strum, Sanchez & alios per verba: Crescite & Matrimo-
nialicetamini &c. Quibus tamen solum da-
num.

tur benedictio & fecunditas hominibus, ut
ceteris animantibus. Quare Magister, D. Bo-
naventura, Ruardus, Covarruvias & plures alii,
(& videtur supponere Scotus dist. 26. nn. 13.)
consent. Institutum esse Gen. 2. quando A-
dam divino instinctu dixit: Hoc nunc os ex oſ-
bus meis &c. Et erunt duo in carne una. Favet
que Augustinus l. contra duas Epist. Pelagiano-
rum c. 5. dicens à Deo negotias esse institutas tunc,
quando dictum est: Propterea relinquet homo &c.
Gen. 2. Immo Adriannus, Vasquez, Basilius Pon-
tius & alii censem non fuisse necessariam
Dei institutionem seu concessionem specia-
lem, sed conditam naturam humanam in diversi-
tate sexuum potuisse eo ipso ex natura rei
sicut marem & feminam inire matrimo-
nium, uti alios contractus, & per illius u-
sum propagare genus humanum; prout du-
ce naturam etiam licitum est illis, qui de di-
vinis litteris nihil norunt. Quod quidem
rationi latis consonum appetit. Sed tamen
adhuc recte tribuetur Deo institutio, tum
quatenus virum & feminam creavit, tum
quatenus lumen juris naturae eis impressit.
Cum quo insuper recte consistit, quod di-
catur institutum Gen. 2. sive quatenus tunc
fuit intimatum seu insinuatum, sive quate-
nus tunc fuit primum Matrimonium inter
Adam & Hevam initum; sive quatenus
perfectam indissolubilitatem eidem annexuit,
ut quidam volunt. De quo tamen in-
fra, ubi de radice insolubilitatis matrimo-
niū.

Institutum porrò est matrimonium pri-
mitus & principaliter tamquam officium
naturae per illud multiplicandæ, deinde
& secundariò tamquam remedium concu-
piscientiæ, non quod post peccatum de-
buerit iterum institui in remedium con-
cupiscientiæ, quod prius erat ordinatum in
officium naturae, ut Quidam indicarunt; sed
quia in ipsa primæ verum institutione etiam
ex intentione Auctoris naturæ, supposita
permissoне lapsus & deordinatione con-
cupiscientiæ, satis involvebatur, ut matri-
monium quoque deserivret in remedium
concupiscientiæ, quando ipsa subesset.

Matrimonium esse licitum negarunt Si-
mon Magus, Saturninus ejus Discipulus, Mar- Olim qui-
cione Tatianus, Manichei, Priscillianisti & Anti-dam Hare-
genses, è quibus duo primi sic illud sprevi- tici nega-
re videntur, ut sine eo concederent vagum
concubitum, ut colligitur ex Augustino Ha-
resi 1. & 3. Reliqui autem videntur omnem
concubitum damnasse, occultis & ipsi scor-
nationibus ac impudicitiis inhiantes.

Sed fides Christianos, & ratio etiam re- Sed contra-
liquas Nationes docet, matrimonium esse rium aperi-
licitum & conveniens. Quod proinde ap- ostenditur
probavit ipse Deus Gen. 1. & 2. & rursum ex fide.

post lapsus, immo post diluvium Gen. 9. benedicens & ajens: *Crescite & multiplicamini &c.* Toto etiam veteri Testamento I. vinis ordinationibus est commendatum, usque Patriarcharum & Prophetarum firmatum. Et Math. 19. Christus allatis verbis Gen. 2. infert: *Quod ergo Deus coniunxit, homo non separat.* Ipseque una cum matre nuptiis interfuit, ac primo eius miraculo decoravit, Joan. 2. Ipsa etiam B. Virgo matrimonium init, tamen non secutâ copula, quamquam v. matrimonir licitum. Denique Apostolus 1. ad Cor. 7. pluribus conjugium ejusque usum commendat, et si virginitati postponat. Et 1. ad Tim. 4. prædicti futuros, & detestatur, qui prohiberent nubere. Et c. 5. Volo (inquit) juniores nubere, filios procreare. Accedit auctoritas Ecclesie benedicentis nuptias: ipsaque ratio Sacramenti, quan Christus annexuit. Postremò idem docet ratio naturalis desumpta ex necessitate matrimonii ad generationem humanam, adeoque ad propagationem & conservationem speciei. Alioquin sanè extinguendum potius foret genus humanum; utpote quod non nisi illicite posset propagari: cum tam propagationem clamet ipsa sexuum differentia, corporumque & instrumentorum differens constitutio in hominibus; ut in ceteris animalibus. Absurdissimum autem foret hanc propagationem licere in vago concubitu, & non in legitimo contractu.

7. Est itaque matrimonium licitum & conveniens, immo & laudabile ac bonum per se loquendo; sicut & usus ejusdem, dummodo adsit prudens moderatio, rectaque intentio: et si majoris perfectionis & meriti sit continentia. Et quidem finis optimus & magis proprius est, ut amore filiorum magis quam libidine conjuges ducantur exemplo Tobiae & Saræ. Quamvis non videatur fore etiam veniale peccatum, si intendatur remedium concupiscentiae; ne alias sterilibus aut nimium grandibus generaliter illicitum sit matrimonium. Cum tamen moneat Apostolus 1. ad Cor. 7. ut propter fornicationem, supple vitandam, unusquisque vir suam uxorem habeat. Immo in rigore ad licite contrahendum nec hic quidem finis requiritur, sed sufficit alius honestus, et si non sit finis per se matrimonii, v. g. pax familiarium &c. et si hoc requiri sub veniali saltem peccato Nonnulli existimaverint. Sanè neutrum finem Dei para intendit, immo utrumque positive exclusit, ut ipsam copulam. Ex nullo quoque capite ostenditur obligatio intendendi finem matrimonii intrinsecum. Adeoque à fortiori cum intentione hujusmodi finis poterit simul concurrere aliis finis utilis & honestus, v. g. pax, aut etiam opes moderatae, quatenus sunt medium se honeste alendi, omnisque aliis finis, qui in cursu humanæ vitae potest prudenter appeti.

Erationes.

*Quo fine si
contrahendu-
mum.*

Quo attinet ad postremam questionis partem, an matrimonium sit debitum, non nulli Hæretici asserunt, quod sic damnantes idcirco continentiam Clericorum. Se in epte, sic enim proclamat matrimonium, ut Apostolus 1. ad Cor. 7. ipseque Christus Math. 19. Et ratio denique præstat cælibatum. Quare nec Gentiles tam generalem contrahendit matrimonii obligationem, anoverunt. Immo virgines Vestas erant in generatione apud Romanos, & a proprio virginitatis effectentes graviter puniebantur. Quosdam vero cælibatus scire arguit Ambrosius 1. de Viduis dicens: *Qui durum suorum adulteria & probra venerantur, cælibatus & viuuntatis starnere paenam, ut emul criminum multarent studia virtutum, specie quædam, qua secunditatem quererent, sed studio, quo propositum castitatis abolerent.*

Sed neque in veteri lege fuisse præceptum nubendi, docent exempla Jofue, Elie, Elisei, Jeremiæ, Danielis, qui populo Iudaico sati multiplicato, fatique multis generationi vacantibus, vincula conjugii non quæserunt. Prout etiam Ezechiel non dicebat uxores, teste Josephol. 18. Antiquit. c. 2. & l. 2. de Bellis Iudaicis. 7. Ipsa quoque Dei para continentiam voverat; commendatam similiter Isaia 56. & Sap. 3. & 4.

Recepta tamen sati doctrina D. Thome, D. Bonaventura, Richardi, Scotti, Sanchez, Valquez & aliorum passim tradit fuisse præceptum nubendi in principio, illudque celsasse post sufficientem generis humani propagationem: nisi quod maneat alius juxta Sorum & alios respectu communitatia, adeoque respectu aliquorum in vase. Et maximè eo obligabantur fratri parentes. Quorum proinde respectu vel patilla, Grecie, & multiplicamini, possunt accipi tamquam denotantia præceptum. Quæ alioquin indicant benedictionem secunditatis, suntque etiam dicta bestiis. Et certò non sonant respectu ceterorum hominum præceptum, nisi ad summum modo præmissum. Immo ipsa ratio naturalis sati dictabat primis parentibus eos obligari ad securandum conservandæ speciei; ut quicunque obligatur sustentare individuum proprium, & alteri extremè indigentem subvenire. An aurem, si soli voto continentia addicti remanerent, in iis revivisceret obligatio vacanti conjugio, an vero potius per specialem istam dispositionem Deus sufficienter indicaret se velle hominem successionem concludere, est casus metapnyticus, & inter Auctores ex conjecturis diversa sententes controversus, nulliusque utilitatis.

Q.U.E.

QUÆSTIO II.

An Matrimonium in lege nova sū propriè dictum Sacramentum?

NEGET Lutherus, Calvinus & alii Secta-
rii recentiores. Et ex Catholicis Du-
tardus d. 26. q. 3. quem citat Kemnitius. Ve-
rum adversus prædictos definitivum Concilium
Tridentinum sess. 24. de Sacram. Matrim. can. I.
& alibi Matrimonii contractum inter
deles in Lege nova esse verum & propriè
dictum Sacramentum. Addit autem Irid.
Iff. 1. in princip. hoc insinuere Apostolum ad
Ephes. 5. ubi ait: *Viri diligite uxores vestras, sicut*
Christus dilexit Ecclesiam, & seipsum tradidit
pro ea. Moxque subiungit: *Sacramentum hoc*
magnum est, ego autem dico in Christo & in Ec-
clesia. Varii tamen conantur ostendere, quod
locus iste Apostoli non convincat, uti nec
alia loca scripturaræ, quæ allegari solent.

Quicquid autem foret de efficacia pro-
bationis ex Scriptura prolatæ, sufficere de-
bet traditio Ecclesiæ, de qua testatur Tride-
ntinum super dicens: *Matrimonium merito in-*
ter nova legis Sacraenta annumerandum § 5.
Patres, Concilia, & universalis Ecclesia traditio
semper docerunt. Nam matrimonium in Ec-
clesia semper fuit habitum tamquam res
sacra, ideoque ab initio consuevit celebrari
cum ritibus sacris, ut patet ex Evaristo Papa
Epist. 1. ad Episcopos Africanos, & aliis antiquis
Pontificibus. Ratio autem rei sacræ, quæ
in illo cernitur, est ipsa ratio Sacramenti:
aut certè Hæretici debent ostendere, quando
principium ceperit Ecclesia tum Græca,
tum Latina tractare matrimonium tamquā
rem aliter i. s. f. s. quam tractaverit Eccle-
sia antiqua. Idem confitetur etiam ex Patribus,
Ambroso l. 1. & Abraham c. 7. ubi ait: *Et ideo*
qui in Deum paterat (scilicet adulteri) *Sacra-*
mentum celestis anisit consorium, scilicet gratia-
tem. Augustinus l. de Bono conjugali c. 18. in no-
strorum nuptiis plus valens sanctitas Sacraenta,
quam secunditas uteri. Et c. 24. Bonum nuptiarum
per omnes Gentes atque omnes homines in causa ge-
nerandi est, & in fide casitatis; quod autem ad po-
gnum Dei pertinet, etiam in sanctitate Sacraenta.
Ubi propriam Sacraenti novæ legis ratio-
nem peculiariter adscribit matrimonii Fide-
lrium. cùm aliqui constet etiam infide-
lium matrimonii non esse rationem Sa-
craenti largè sumptu, sive signi rei sacræ,
conjunctionis scilicet Christi & Ecclesiae.
Anos vide apud Bel. l. de Matrim. c. 5. Id-
ipsum congruit hagi gratiæ, ne in ea alio-
quin status, ob insolubilitatem & varia o-
nera difficultus, manaret absque aliquo
speciali auxilio.

Dices, Matrimonium opponitur Ordini,
atqui unum Sacramentum non opponitur
alteri, ergo. Resp. Neg. Maj. loquendo de
oppositione ex præcepto Dei: ex ordina-

tione autem Ecclesiæ bene potest fieri, ut
qui suscepit voluntarie sacrum Ordinem,
non possit contrahere matrimonium.
Quamquam nec omni casu sit oppositio:
cùm uxoratus non bigamus possit licet ordinari
de consensu uxoris, & absque eo va-
lidè, & in oriente uxorati retentis uxoribus
ordinentur.

Dices II. in contractu Matrimonii mis-
cetur pactum pecuniarium, quod in Sacra-
mento fieri non posset sine labe simoniae.
Resp. nihil accipi pro contractu quatenus
est Sacramentum, potest tamen accipi pro
eo quatenus est contractus civilis, sic ut per
additionem pecuniae compensetur inæqua-
litas v. g. in divitiis, nobilitate, ætate &c.
quæ est in una parte contrahentium: sicut in
permutatione calicis aurei cum argenteo
potest non obstante consecratione defectus
agenti per additionem pecuniae suppleri.

Dixi in Conclusione, in Lege nova: et si
enim à sui institutione fuerit aliquo modo Non erat
signum conjunctionis Christi cum Eccle- Sacramentum:
sia, non tamen signum efficax gratiæ, neq;
Sacramentum propriè & strictè dictum ju- ^{13.} <sub>num ante legem no-
vam.</sub>
xta Doctores communiter. Et clare patet
ex Florentino, quod Matrimonium numerat
inter Sacraenta novæ legis, docetque ea
differre à veteribus, quod vetera non con-
ferant gratiam. Similiter Tridentinum sess. 7.
can. I. de Sacr. in genere. Et sess. 24. can. I. illud
recenset inter Sacraenta novæ Legis à
Christo instituta, & ibid. in princip. sess. ait,
Matrimonium in Lege Evangelica veteribus con-
nubis per Christum gratiæ præstare.

Dixi etiam, inter Fideles: quia infideles
non baptizati nullius Sacraenti sunt ca- ^{14.} _{Negat esse}
paces ante Baptismum, qui est janua Sacra- ^{13.} _{inter infide-}
mentorum. Solum dubitatur, an si fidelis _{les.}

legitigmam dispensationem contrahat
cum infideli, sit Sacramentum ex parte fi-
delis? Negat Sanchez & alii passim, & cer-
tum putat Castro Paleo disp. 2. p. 2. Sed in-
firmo nixus fundamento. Unde latius solidè
affirmat Soto, Catherinus, Eckins, Aversa q. 1.

scit. & Non eis contractus essentialiter ref-
piciat utrumque contrahentem, & matri- ^{15.} _{Eft tamen ex parte fi-}
monialis non possit esse Sacramentum res-
pectu infideli ob defectum Baptismi, id
tamen non obstat, quod minus possit esse Sa- _{delis de legi-}
cramentum respectu fidelis, cùm eatenus sit
verus Matrimonii contractus subjectatus
in persona capaci Sacraenti, in qua pro-
inde est signum gratiæ. Confirmatur: quia
potest unum signum afficiens duos, v. g. una
absolutio super plures prolatæ esse Sacra- _{tim a licen-}
mentum respectu unius habentis omnia
requisita, & non respectu alterius qui in
aliquo essentiali deficit.

Confirmatur II. quia olim dum pauci
erant fideles, sic contrahere sacerdotem erat ne-
cessarium: & tamen ideo non debebant
fideles sic contrahentes carere gratiæ Sa-
cramenti.

Confir-

Confirmatur III. quia de facto sèpè fit, ut fideles contrahentes, et si ambo recipiant Sacramentum, tamen defectu dispositionis unus tantum recipiat gratiam; immo posset esse Sacramentum tantum ex parte unius, si videlicet alter non intendat Sacramentum suscipere, modò tamen saltē intendat alteri ministrare. Neque hāc ratione inconveniens est, quod infidelis ministraret fidei Sacramentum, si non defit intentio. Ministraret namque Sacramentum capaci, ut cum tali contrahit. Sic enim posset etiam ministrare Baptismum non baptizatus. Neque Christus in Sacramento Matrimonii alios requivit ministros, quam contrahentes.

Petes: An contractus matrimonialis sit Sacramentum etiam dum initur per procuratorem? Resp. Aff. cum Doctoribus communiter contra Caecianum, Estium, Sylvium & quoddam alias. Ratio est: quia secundum Conciliorum indefinitam doctrinam Christus matrimonium fidelium evexit ad dignitatem Sacramenti; Matrimonium autem initum per procuratorem est verum Matrimonium fidelium, nec est appartenens aliqua ratio, ob quam sit excipiendum à doctrina indefinita Conciliorum.

Dices: Ergo absenti, etiam dormienti conferetur effectus Matrimonii. Resp. Conc. Seq. si non sit obex: sicut sensibus destituto tribuitur effectus extremæ Unionis. Unde debet contrahens conari, ut sit in statu gratiae pro tempore, quo prudenter putabit perficiendum fore contractum & Sacramentum. Quod si negligat, ex tunc peccabit ratione periculi, cui Sacramentum quoad operationem exponit.

Quod dictum est de Matrimonio initio per procuratorem, ob eandem prorsus rationem dicendum est de contracto inter absentes per scripturam. Idemque est de matrimonio initio clandestinè, quando adhuc erat validum: quidquid similiter pauci contradixerint. Idem denique est de celebrato per nutus: cum ad contractum vel ad Sacramentum Matrimonii non necessariò requirantur verba strictè dicta, eti per illa regulariter perficiatur juxta Florentinum in Decreto. Nec oppositum indicavit Scotus d. 26. q. 1. n. 14. male relatus ab Aversa q. 1. de Matrim. scilicet 5. ut insipienti textum patebit.

Petes II. An inter fideles ratio Sacramenti possit à contractu validè separari seu excludi per intentionem? Plurimi satis probabiliter negant, inter quos Suarez, Propositus, & valde mordicus Aversa q. 1. scilicet 5. dicens, debere constans esse, quod non. Nihilominus satis mihi placet responsio affirmativa, quam tenet Vazquez, Rebello, Bonacina, Diana & plures alii. Nam Christus institutione sua non invalidavit contractum alias validum, sed ei in natura sua invariato so-

lunt additum dignitatem Sacramenti, quando sciencie adiunt relata ad rationem Sacramenti generaliter requisita, scilicet intencio &c. Pro hoc contractus initus ab infidelibus non est Sacramentum defectu Baptismi prærequisiti; quamvis aliquis sit contractus validus. Idem ergo est de infidelibus, si absit intentio Sacramenti, sive adsit intentio contraria. Et quamquam Christus portuisset aliud voluisse, cum tam id non satis constet, statum est pro valore actus alias ex natura rei subsistentis. Confirmatur: quia (ut testatur Basilius Pontius l. 1. de Matrim. c. 9.) id observant Isidores in judaizantibus, qui prius solent secretò contrahere, ut postea coram parochiis rationem Sacramenti excludant: quorum tamen Matrimonium numquam invalidum judicatur.

Nec obstar, quod non possit dari validus Baptismus, Confirmatio &c. quin sit etiam Sacramentum: nam Baptismus (idem est de aliis Sacramentis) antecedenter ad Christum institutum nullum habebat valorem, ut contractus Matrimonii. Unde Baptismum esse validum, formaliter est idem, quod esse Sacramentum, sive quod esse certum sacram signum à Christo institutum: neque aliud est in eo valor, quam esse Sacramenti. Quare doctrina Conciliorum assertent Matrimonium in nova Lege esse Sacramentum, est intelligenda suppositis supponendis, scilicet Baptismo in contractibus ac debitâ intentione.

Dices I. Ergo non erit hic etiam excludere Sacramentum; cùm id nullibi sit prohibitum: immo rectè facturi videntur, qui scientes malum statym suum, sic evitarent sacrilegiam suspicionem Sacramenti. Quæ planè sunt absurdâ, & præter mentem Ecclesiæ, atque existimationem fideliū; ut ait Aversa. Resp. Neg. Seq. nam oppositum in institutione Sacramenti censetur Christus voluisse: quod satis ex sensu communis & usu patet, ac ex eo quod idcirco Ecclesia in contracturis requirat statum gratiae. Quæ etsi satis probent esse illicitum, non tamen esse invalidum. Quod autem objicit Aversa tamquam absurdum, sequi quod ratione intentionis possit esse in uno, & non in altero Sacramentum; non consequentes admittentes, Consequens verum, non absurdum putamus.

Dices II. Omne Matrimonium fidelium consummatum est omni casu indissolubile, idque ob rationem inseparabilem Sacramenti, Resp. non ideo; sed quia est baptizatorum. Cura etiam conjugium infidelium eo ipse quod baptizantur fiat omnino dissoluble; & tamen non fiat propterea Sacramentum juxta dicenda nullum seq. Et quamquam fieret eo ipso Sacramentum, ut contendit Aversa q. 1. scilicet 6. consequenter fieret in illo etiam, qui solus converteretur ad fa-

15.
Initium per
procurato-
rem est ve-
rum Sacra-
mentum.

16.
Idem est de
initio per
scripturam,
vel scriptu-
ræ legi Triden-
tini clande-
stine.

17.
Potes inter
fideles ratio
contractus
validè sepa-
rari à ratio-
ne Sacra-
menti.

ad fidem & Baptismum, ut similitudine admitit Aversa sap. & tamen tunc non sit eo ipso Matrimonium omnino insolubile.

Nihilominus à parte rei falsum est Matrimonium infidelium per susceptionem Baptismi transire in statum Sacramenti, sive vi prioris contractus, ut vult D. Thomas, Paludanus, Covarruvias, Vega, Sanchez, Beccanus, quos citat & sequitur Aversa *suprā*: sive per eorum consensum & quasi innovationem Matrimonii post Baptismum, ut Capreolus, Ekins, Bonacina & alii apud Aversa: quemadmodum etiam Matrimonium fidelium, qui cum contrarerunt, excluderant rationem Sacramenti, non transiret postmodum in statum Sacramenti, si ipsi conjuges pœnitentia ducerentur, aut postea renovarent consensum ex intentione Sacramenti. Christus námque dignitatem Sacramenti non annexit innovatione aut perseverantiae Matrimonii, sed ipsi contractui; quo nomine intelligitur ipsa actualis contractio & inducione vinculi matrimonialis. Nec potest Baptismus subsequens facere, ut qui ante contrarerunt, recipient Matrimonii Sacramentum, ut non facit, quod censeantur contrahere Matrimonium seu inire contractum. Nullum etiam aliud Sacramentum potest perfici, nisi ordine temporis post Baptismum, post quem nequit inire novus contractus, nisi actum agendo, & factum ratificando.

Potes III. quando Christus Matrimonium elevaverit ad dignitatem Sacramenti? Resp. cum S. Rod. 26. n. 3. Sanchez & alii communis, id scilicet nullius cotigisse tunc, quando dixit: *Matth. 19. Quod Deus coniunxit homo non separabit.* Ratiq. est: quia Christus ibi renovat Matrimonii insolubilitatem, addique congruebat ut simul adderet rationem Sacramenti; maximè cum in Evangelio locus opportunitas non seperiatur. Et quāvis tempus, quo id factum fuit, particulariter & certò non scieretur, sufficere debet, quod certum sit, id factum esse per Christum.

QUÆSTIO III.

De Materia, Forma & Ministro hujus Sacramenti.

Dico I. Materia hujus Sacramenti sunt corpora contrahentia: Forma est consensus legitimè & sensibiliter expressus. Ita Antoninus, Paludanus, Adrianus, Covarruvias, Petrus Soto, Vasquez, Bellifons, Leyman, Comitolus & Basilius Pontius, ut resert Aversa q. 1. *scil. 3.* Probatur 1. quia materia & forma hujus Sacramenti merito censemur eadem, quæ ipsius contractus; cum Christus contractui in natura sua invariato solum addiderit dignitatem Sacramenti: sed con-

tractus matrimonialis materia sunt corpora contrahentia, forma est consensus sensibiliter expressus: ergo eadem sunt materia & forma Sacramenti. Quia tamen corpora contrahentia sunt contractui extrinseca instar objecti & materie circa quam; idcirco non sunt materia Sacramento intrinseca & essentialis, sed essentialiter presupposita. Quod sufficit intento Concilii Florentini in Decreto de Armenis, dum docet Sacra menta perfici rebus ut materia, verbis ut formâ, & persona Ministeri. Non enim voluit Sacramentum hoc habere aliam materiam, quam habeat ipse contractus: materia autem contractus vocatur ipsummet objectum aut res de qua contrahitur; prout merces dicuntur materia emptionis &c. Sicut autem nemo in aliis contractibus est sollicitus ad inveniendam aliam materiam ex qua, sic nec debemus esse solliciti in praesenti.

Probatur II. quia in hoc Sacramento non occurrit, quod melius fortior ratio-
nem materie & formæ. Non enim potest signa ex-
dissi primò cum Angles, Petro Ledejma, San-
chez, Villalobos, Suarez, Coninck & aliis apud sensus dicti
Aversa q. 2. scil. 3. & Octav. signa expressiva
conlensus esse sibi invicem materiam & for-
mam sub diversa ratione; materiam quidem,
quatenus sunt traditio corporis ad usum
matrimoniale; formam vero, quatenus
sunt traditionis ab altero facta acceptatio.

Nam tunc etiam in aliis contractibus tra-
ditio rei deberet dici materia, & traditio-
nis acceptatio forma; quod est inauditum.
Et merito: quia acceptatio non censemur
determinare traditionem, sed utraque per
modum completi unius entis moralis affi-
cit & determinat objectum contractus. De-
inde sic ad summum intercederet distinctio
rationis inter materiam & formam Matri-
monii: immo cum Matrimonium ipsum
sit essentialiter traditio mutua, eo ipso est
acceptatio; ita ut eo ipso quod tradit quis
corpus suum alteri, etiam acceptet corpus
alterius; et si non sint actus distincti, pri-
mus quo quis dicat se tradere corpus suum
alteri, & secundus quo acceptet corpus al-
terius.

Hinc etiam refutata manet opinio Car-
dinalis Lugo disp. 2. de Sacram. in genere scil. 1. Vel quod
qui in hoc differt à præcedenti opinione, traditio sit
quod loco acceptationis ponat obligatio-
materia, & hanc dicat esse formam. Sed quæ obligatio ve-
potest in hoc contractu certi obligatio sive
actio obligativa distincta à traditione?
Quare cum traditio secundum ipsum sit ma-
teria, similiter materia erit ista obligatio:
nisi recurratur ad obligationem præviam
sponsalium, quæ impertinens est, & potest
non præcessisse; vel ad vinculum perma-
nens, seu obligationem in facto esse, in qua
utique non constitit contractus, sed in acti-
vè se obligando; quod non distinguuntur à
tradi-

traditione. Et si distingueretur, potius præcepertet, adeoque non posset dici forma respectu traditionis.

*Non recte
etiam verba
prius lo-
quentur di-
cuntur ma-
teria; po-
sterius lo-
quentur for-
ma.*

Non potest etiam dici cum *Richardo & aliis*, verba prius loquentis conjugis quatenus informata interiori consensu esse materia, verba vero posterioris loquentis esse formam: nam alioquin ratio materiae & formae desumeretur ex sola pietate aut posterioritate casuali temporis. Deinde si utriusque consensus exprimeretur simili, non posset iusta hanc sententiam assignari materia vel forma.

Præterea dici nequit cum *Navarro, Valen-
tia & aliis*, consensum internum esse ma-
teriam, signa autem expressiva esse for-
mam; vel e contrario cum *Nonnullis aliis*, si-
gna expressiva esse materiam, consensum
vero formam: tum quia non solet in aliis
contradicibus (de quibus tamen est simili-
causa) consensus internus assignari pro
materia aut forma, uti nec signa expressiva
illius pro forma vel materia: tum quia in
ordine ad contractus, consensus & signa
ejusdem expressiva censentur quid unum:
tum denique quia consensus internus ut
condictus signis externis, non est sensibilis;
prout esse totalis materia vel forma
debet. Specialiter autem contra statuentes
formam Matrimonii in interno consensu
facit, quod cum hic praecedat exteriorem
expressionem, & per illam compleatur,
congruentius videatur ei adscribi ratio me-
teriae, quam formæ, uti faciebat *Navarrus*.

*Qualiter
Opinio V-
arri defini-
di possit.*

Cujus quidem opinio videtur posse defendi, dicendo, quod etiam sit liberum, eti-
non ita solitum, in aliis contractibus con-
sensum interiore vocare materiam: quod-
que non obstante quod sit insensibilis, pos-
sit esse totalis materia Sacramenti, veluti
ad quod sufficiat unam partem, v.g. formam
esse sensibilem, per hanc verò materiam
fieri sensibilem. Supereft adhuc opinio
Canis: quæ commodiū refelletur seq. *Concilis*,
ubi pariter de Ministro agetur.

25.
*Ministri
Sacramenti
hujus sunt
ipsi Contrac-
tantes.*

DICO II. Ministri hujus Sacramenti sunt
ipsi contrahentes. Ita communissime Do-
ctores contra *Melchiorum Canum, Guilelmum
Esiuum, Sylvium q.42. Suppl. a. 1. quinto 1. &
2.* & paucos alias existimantes Ministrum
esse sacerdotem, & verba ejusdem formam,
verba vero contrahentium esse materiam,
quæ proinde sine illis confiant contra-
ctum civilem, non Sacramentum. Sed hoc
rum opinionem *Varii* notant esse temera-
riam aut improbabilem. Quidquid autem
sit de censura,

Probatur Conclusio: nam olim Matrimo-
nia sine Parochi præsentia celebrata
erant valida & rata; & adhuc modò sunt
in locis, in quibus Tridentinum non est
receptum, vel in locis Hæreticorum, in
quibus nullus Parochus est, vel non datur
ad eum tutus accessus: & consequenter

ut nihil deest iis ad rationem Sacramenti.
Confirmatur: quia Concilia absolute doc-
cent Matrimonium fidelium esse Sacra-
mentum: nec plus requirunt ad substantiam
sacramenti, quam ad veritatem ma-
trimonii, supposita scilicet sufficiente intentione.
Specialiter *Florentinum*, quod singulis
Sacramentis totam essentiam & Ministrum
assignat, cum dixisset: *Septimum est Sacra-
mentum Matrimonii, subdit: Causa efficiens Ma-
trimoniū est mutuus consensus per verba de pra-
expresſiū; in quo proinde totam essentiam
& ministerium ponit. Confirmatur II. quia*

*cum assit Parochus, etiā tacet, suffi-
cīt substantia Matrimonii, prout habet
declaratio Cardinalium relata ad sess. 24. l.*

1. de Reform. Matrimoniū. Et quāvis aliquid
loquatur, tamen ante verba ipsius jam Sa-
cramentum est. Unde *Tridentinum* affi-
cientiam Parochi solūm requirit tamquam
conditionem necessariam ad valorem con-
tractū; ut & requirit affientiam testium.
Quare etiam non assignavit certa
verba à Parochis proferenda, sicut in formis
Sacramentorum: sed hoc relinquit cujus
Provinciae consuetudini, dicens: *Vi Paro-
chos audito consenſu utriusque dicat: Ego vos in
Matrimonium coniungo* (id est, conjunctos
declaro, approbo, conjunctionem ve-
stram benedico, nomine videlicet & au-
toritate Ecclesiæ) *vel utatur aliis verbis, juxta
receptum ministrisque Provincie ritum*. Retin-
dit proinde *Palavincus l. 23. His. Trid. c. 9.*
*n. 15. mendacium Suavis affirmantis deris
fuisse voces illas à rocho prescribas, ea-
que non alio tendere nisi ut brevi dogma
fidei conficiatur, eas esse formam Sacra-
menti. Cū enim ipsi *Paroches Tridentini*
censerent clandestina Matrimonia esse Sa-
cramenta, qui intencissent fieri dogma fidei,
quod *Suavis somnias?* Immo illa senten-
tia ægrè toleratur, & à pluribus censuratur
post *Tridentinum*; tantum abest, ut Ecclesia
cōtendat, ut id tamquam dogma fidei de-
claretur. Ita *Palavincus*.*

Nec est absurdum, quod hoc Sacra-
mentum ob peculiarem rationem contra-
dictus exigat duplē partiam Ministrum.
Similiter absurdum non est, laicos, immo
etiam seminaris esse Ministros hujus Sacra-
menti, sicut absurdum non est iplū con-
tractum Matrimonii esse elevatum ad digni-
tatem Sacramenti. Pariter non est ab-
surdum, hoc Sacramentum perfici validè
sine alia ceremonia sacra: cū iplem
contractus, quatenus à Christo elevatus
& debitâ intentione adhuc sit, sit sacra
ceremonia, uti *Papinus*. Quod insuper
allegat *Sylvius*, sequi fore, ut Sacramentum
hoc perficiatur opere quod non potest abs-
que gravi peccato fieri, scilicet copulâ
carnali animo maritali factâ post sponsa-
lia, seclusâ lege irritante Matrimonio
clandestina, antea semper ab Ecclesia re-
cusa.

Qu. I. An & quorum Consensus requiratur & sufficiat &c. 541

tita? Hoc (inquam) non urget: nam con-junctio clandestina non est intrinseca mala, etiū justissimè prohibita: idemque proinde tuisset de praesata copula. Præcepta dum Rituale Romanum inter Sacramenta, quo-rum administratio ad Parochos pertinet, recensit Matrimonium Tit. de us quæ in Sa-cram. Administr. generaliter servanda sunt, id in-telligit, in quantum Parochus tamquam Ecclesiæ minister debet contractui assiste-re, ac etiam denuntiationes præmittere. Et postea benedictionem sollemnem imperti-ri, ut patet ex eodem Rituale Tit. de Sacram. Matrim. ubi cautè abstinet à nomine Mini-stri: quod nomen tamen non facet, dum in particuliari agit de aliis Sacrementis. Simili-ratione explicanda sunt, aut certè non ad-

mittenda, quæ ex nonnullis Manualibus & Synodis congerit *Sylvius* supr. i. questio 1.

Dices: si Contrahentes sint ministri, nècessariò debebant habere intentionem, non solum contrahendi Matrimonium, sed etiam conficiendi Sacramentum: hanc au-tem plerique non habent, qui de hoc nihil sciunt, aut certè non cogitant. Resp. illos habere hanc intentionem virtualliter, saltem implicitè & confusè: censemur enim velle matrimonium inire more Christiano, sive facere quod fidèles faciunt; quod sufficit. Sicut tamen alicui desset intentio sufficiens ad confectionem Sacramenti, non subsiste-ret Sacramentum. An autem tunc adhuc subsistat matrimonium in ratione contra-ctus, dictum est supr. n. 17.

27.
Contrahentes
sunt
necessaria est
intentio Sacra-
menti.

DISPUTATIO TERTIA.

De Consensu Matrimoniali.

QUESTIO I.

*An & quorum Consensus requiri-
ratur & sufficiat ad va-
torem?*

Dico I. Ad valorem Matrimonii ad eodò necessarius est consensus ipsorum contrahentium, ut suppleri non possit per illam potestatem, nisi divinam. Est certum apud omnes. Ratio est: quia soli contrahentes habent potestatem suorum corporum ad tradendum super illa dominiū in aliū conjugalem: nec ex ulla capite constat reipublicæ aut principibus concessam esse hanc potestatem independenter à consensu ipsorum contrahentium. Quare nec umquam eā usi sunt. Neque etiam eam dari, aut per se competere expedibat bono communī: siquidem continua vita societas, mutua conjugum charitas, illa dissolubilitas, tiaque clera matrimonii omnino exigunt, ut nemini imponantur, nisi libet consentienti. Ad summum autem posset res publica in certō casu aliquos per modum urgere ad ineundum Matrimonium, & consequenter ad prebendum consensum. Quare etiū adsint verba exter-²⁶na, & millies repetantur, copulaque sequatur: il fiet, si deficiat interior consensus, qui hic essentialiter requiritur, nec potest humanitatis suppleri, etiam quoad effectum, secūs quam in aliis contractibus. Quāvis in foro externo standum sit verbis exter-nis, in quo de internis humanitatis ignoti, judicari non potest, nisi quatenus produc-tur per signa externa.

Dixi in Conclusione, nisi divinam: nam Deus tamquam supremus & absolutissimus Herinex Sum. Theol. Par. IV.

Dominus posset tradere duobus v. g. do-suppleri po-minim in mutua corpora ad usum conju-galem: si enim id possint ipse homines per se; cur non idem possit Deus? Sicut domi-nium in servum quod acquiritur per em-potionem aut donationem, potest etiam com-parari per solam Dei voluntatem, sic ut se-quatur eadem iustitiae obligatio servi ad dominum. Ex quo sequitur contra Sanchez & alios Deum posse per se inducere vinculum matrimoniale: hoc enim vinculum ni-hil est aliud, quam perpetua obligatio con-sequens potestatem in mutua corpora: perinde autem est, utrum oriatur ex contractu, an ex alia causa. Quod autem non posset vinculum istud appellari cum reduplicatio-ne, quatenus ortum ex conjugio seu con-tractu cojugali, qui non præcessit, parum refert: eo quod hoc tantum sit denomina-tio extrinseca. Nam erit nihilominus vin-culum iustitiae ortum ex largitione seu tra-ditione divina, quā Deus dat utrique jus in mutua corpora, simile planè illi, quod oritur ex contraeu onerofo, quo ipse contrahentes tale jus invicem tribuunt. Confirmatur: quia etiū consensus conju-gum sit de essentia Matrimonii, prout est contractus, qui in ipso consensu formaliter constituit; non est tamen de essentia vin-culi matrimonialis, sed est causa effi-ciens illius; quam proinde supplendo po-test Deus per se inducere illud vinculum, etiū non possit per se facere, ut sit Matrimonii contractus. Simili ratione posset Deus supplere consensum in ordi-ne ad Statum religiosum quoad obligatio-nem iustitiae, aut etiam religionis. Esto obligationem specificam fidelitatis ad Deū, veluti præsupponentem essentialiter pro-missionem, non posset Deus ipse per se sta-tuere.